



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Hisp. Archidiacono de Colera.

urn:nbn:de:hbz:466:1-20006

favorem , aut alias in oratione , vel osculo , vel orando secum , aut etiam comedendo. In primo quidem articulo , cùm talis & communicet criminis & particinet criminoso , ac per hoc , ratione damnati criminis videatur in eum delinquere qui damnavit , ab eo vel ejus superiore merito delicti tunc erit absolutio requirienda , cùm , juxta canonicas sanctiones , facientes & consentientes par pena constringat. In secundo vero casu , à suo Episcopo vel proprio sacerdote poterit absolutionis beneficium obtainere. Quavis enim & tunc non judicis sed juris sententia excommunicato communicans sit ligatus ; quia tamen conditor canonum solutionem ejus sibi specialiter non retinuit , eo ipso concessisse videtur facultatem aliis relaxandi. Is autem qui juxta primum modum excommunicato communicat , cum juramento debet absolviri. Qui vero juxta secundum modum illi participat , reconciliari poterit sine iuratoria cautione. Verum si difficile sit ex aliqua justa causa quod ad ipsum excommunicatorem absolvendus accedat , concedimus indulgendo ut praestita juxta formam Ecclesiae cautione quod excommunicatoris mandato parebit , à suo absolvatur Episcopo , vel proprio sacerdote. Tertius & ultimus inquisitionis articulus videbatur habere non modicum questionis : quoniam cùm in matrimonii contrahendis , non juris affectus , sed animi destinatio attendatur , unde illum comitatur infamia qui duas simul habet uxores , quod partim ad factum convenit retorqueri , sicut & quod in canone legitur de Presbytero qui non legalibus nuptiis detinetur , eadem censura tales inter bigamos videntur reputandi ; licet obviet ex adverso quod opinioni sit veritas preferenda , & quod juxta præmissa , qui nullam vxorem habuit , foret bigamus reputandus . quod contingeret , si quis de facto contraheret cum diversis , quibus de jure non posset matrimonialiter copulari. Nos autem in hac questione taliter respondemus , quod cum hujusmodi Clericis , qui , quantum in ipsis fuit , secundas sibi mulieres matrimonialiter conjunxerunt , tanquam cum bigamis non licet dispensari , licet in veritate bigami non existant , non propter sacramenti defectum , sed propter effectum intentionis cum opere subsuscito. Datum Laterani XVII. Kal. Iunij.

*Cap. Nuper. De
digamis non
ordinandis.*

*Cap. Presbyte-
rum. Diff. 18.*

HISP. DECANO TOLETANO.

Susque ad verbum suscipimus. Specia-
liter autem decanatum Toletana Eccle-
siae , sicut illum justè possides & quietè ,
devotioni tuæ auctoritate apostolica
confirmamus , & praesentis scripti pagi-
na communimus , statuentes ut si te in
aliquo gravari præsenseris , liberè tibi
liceat fedem apostolicam appellare. De-
cernimus ergo &c. Datum Laterani
XVI. Kal. Iunij.

HISP. ARCHIDIACONO
de Colera.

Cum à nobis petitur &c. usque ad
verbum assensu , archidiaconatum
de Colera , quem in Segobrien. Ecclesia
dilectus filius G. sancti Angeli Diaconus
Cardinalis , dum in partibus Hispanie
legationis fungeretur officio , cum omni
jure ac pertinentiis suis tuae tibi conru-
lit intuitu probitatis , sicut illum justè
possides & quietè , & in ejusdem Cardi-
nalism authentico continetur , devotioni
tuæ auctoritate apostolica confirmamus ,
& praesentis scripti pagina communimus.
Nulli ergo &c. Datum Laterani
XVI. Kal. Iunij.

IOANNI ABBATIS SANCTI
Michaëlis Ville Majoris , ejusque fra-
tribus tam presentibus quam futuris re-
gularem vitam professis in perpetuum.

Religiosam vitam eligentibus &c. usque ad verbum ordo canonicus , qui secundum Deum & beati Augustini regulam atque institutionem Præmon-
straten , fratrum in eodem loco &c. usque ad verbum vocabulis. Locum ipsum in quo dicta Ecclesia sita est , cum omnibus pertinentiis suis , videlicet Rodam cum omnibus pertinentiis suis. Ecclesiam sancti Iohannis , cum omnibus pert. suis. Ecclesiam sancti Cypriani de Patella , cum omnibus pert. suis. & jus quod habetis in Mafallos. Ius quod habetis in Ecclesia Alba. Ecclesiam sancti Pauli , cum pert. suis , & Ecclesiam sancti Clementis , cum villa quæ dicitur de Fabar , & Ecclesiam sancti Stephani de Ques. Ecclesiam sanctæ Mariæ de Spinosa , cum pert. suis. Ius quod habetis in villa quæ dicitur Sorita , & jus quod habetis in flumine quod dicitur Pizorga. Sanè laborum vestrorum &c. Liceat quoque vobis &c. Prohibe-
mus

Epi. 67.
Recipitur sub
protectione B.
Petri & seu
apostolicar.

Epi. 68.
Confirmatur
sibi dictus ar-
chidiaconatus.

Epi. 69.
Recipiuntur
sub protectione
sedis apostoli-
cae.